

四庫全書

集部

欽定四庫全書

集部
林蕙堂全集卷十六

詳校官檢討臣劉錫五

助教臣常循履勸

總校官編修臣王燕緒

校對官助教臣卜維吉

謄錄監生臣朱上林

欽定四庫全書

林憲堂全集卷十六

湖州府知府吳綺撰

亭皋詩集

五言律

送長兒之資江

長自多身事，茲行難汝留。
依人攜敝篋，拜母過扁舟。
去住憑黃耳，悲歡話白頭。
好將隋苑月，吟向洞庭秋。

又

遠涉程難定到時當早秋
白雲孤燭夜黃葉亂山頭
彭澤分官米湘江並客舟
及時須自力歸計漫淹留

示長女

不作淳于嘆溫柔汝最宜從夫
非俗更有女似佳兒
慷慨烏烏曲殷勤燕燕詩
辭家四十里見母定何時

春社前一日小集鳳觀書屋同王渭公梅復林
暨壽潛威喜兩兒分韻得天字

老友能乘興相過不待延春風
詞客事夜雨酒人天
鑪茗分甌煖瓶花向燭妍
莫嗔童子懶醉榻任高眠

咏合歡梅子

東閣花殘後青青早在林
誰憐俱軟齒曾不異酸心
止渴能相得含滋好共尋
摘來同笑看越女更情深

紫騮馬

龍支千里種越朕九花文
逸足能追影奇毛本出羣
寶韉呈滿月玉勒舞迴雲
不恨驚香氣長嘶未報君

借又萬及仲李兩兒飲梅冶姪南齋花下

爰爾南軒好銜觴坐晚風藤陰書卷上花片酒杯中說
字逢揚子圍棋讓謝公漫憐春漸去燭影夜猶紅

中秋後五日讌集賦得月上淨疎林

黃葉忽成幽煙光澹不流兔寒千里曉鴉夢一天秋何
處猶吹笛無人獨倚樓誰知雲外影河漢自悠悠

將返吳門諸同社攜具過送

為別又此日故人還論文酒從花下共衣向雪中分寒

月有佳色離鴻多遠聞今宵一攜手相望隔江雲

又

愁思寧堪道為君意暫傾白頭人幾個紅燭夜三更去
住他鄉夢炎涼故里情不知隋苑外何處月偏明

元日次澹心同用令節成吾老為首句

令節成吾老今年賦索居感懷新事滿到眼舊人疎披
褐為吳詠支門讀漢書東臯春事好終荷北山鋤

又

令節成吾老輕肥任友朋
世情連夜雪心事隔年冰
擊缶歌楊惲銜杯學信陵
平生風義在輕薄亦何能

春日過西禪寺訪南水上人分得冬先二韻

鐵馬招提路新棲物外踪
賴同幽侶話多與故人逢
草穩吟春屐茶香坐午鐘
因知蓮社約不必在廬峰

又

小憩逢春霽前期不偶然
樓臺灰劫地餅鉢雨花天
結客生幽興安禪足少年
虎頭方紀勝茲事已相傳

顧熊
水修

吳郡名勝志方訂
予作西禪寺詩

其年雲臣偕南公過訪

雲霽一亭孤人來入畫圖
春風生草樹才子半江湖
酒謝無窮事詩添未了逋
賴逢支許在晴月照菰蘆

虎丘社集即席贈林使君

盡日高軒過留看畫槩
停雨來千嶂白山洗六朝
青丘壑詩情遠鶯花客夢
醒薰風在明發還續采茶
經

秋日集高澹游齋中即席得湘斑二字

搖落逢斯日羣賢在草堂
愛花容我老得酒笑人忙
黃葉催詩卷青山入醉鄉
最憐窗外竹蕭颯似三相

又

幽居延勝賞碧蘚屐痕斑
時事惟看奕秋聲共閉關
嘯歌終日好爭戰幾人閒
比夜聞高詠誰為山水間

寫悶和悔菴

故里重歸日誰知鶴姓丁
炎涼悲蠖屈出處愧鴻冥
詩酒貧何有干戈老未停
離騷今懶讀不愛楚人醒

又

盡日空齋坐徒為梁父吟相隨憐破研獨枕謝文琴馬
敝因知路鳥寒為擇林從來堪怪事不到住山心

又

久矣無相識君猶望世親那知齊物論為有絕交人中
散三更燭元規一扇塵百年終役役暫息樹邊身

憶內

白頭寧有詠為別又殘年慣病能諳藥長貧不看錢寄

衣防典酒支枕夢歸船為語閨中客生涯誤草玄

虎丘社集再贈林使君

聞有梁園會嘉賓足勝情移書招野鶴攜酒就山鶯
花愛十峰密塵憐一雨清莫憂騎馬滑江上櫂歌聲

延光閣

一徑入深翠小樓當戶幽不知初月上偏愛夕陽留
倚檻忽長嘯攬衣還獨遊美人終不見含睇向芳洲

東萊草堂

故土復何在慨然登此堂
夢隨孤鶴遠秋入亂蟬涼
客鬢銷中歲詩情老異鄉
淒淒望蜃市東海正栽桑

碧鷗池

亂碧渾無次晴波欲映霄
寒添孤月迴香浸百花搖
柳弱穿敲石荷高補斷橋
誰能醉山簡騎馬不須招

響月廊

幽翠偏相引廊迴曲可循
斜通入竹徑長見向山人
屨冷吳宮曉臺荒漢苑春
何如桐影下清嘯倚欄頻

渡香橋

一水分明鏡長虹
偃綠波美人飄袂去
稚子折花過倒影
日將夕憑欄秋奈何
予懷空渺渺愁聽采菱歌

采蓮窩

白露方秋滿紅衣尚可攀
因君重瀟水使我憶廬山
密葉經霜裂香心對月閒
涉江誰可寄木末幾時還

人日飲學在清瑤嶼

春到宜謀醉相邀
就輞川酒香開勝日
花事閏今年情

其他鄉密詩從遠客傳黃梅能作意還向月嬋娟

寒甚

昨夜新寒劇東君或未知雪狂寧得久花好故教遲翠
幙午猶下清尊曉不辭相依庭畔樹冰綴欲開枝

晴

曉色亦何異開軒見物華雪消花得意風定燕還家萬
蟄欲相見一寒應有涯踏青知己好芳草綠裊斜

雲臥

偶至即成醉醉來橫一琴常因聽雨夕忽起住山心夜
永聞花發春寒借酒禁半閒吾自足擁被一長吟

憺園

名士無塵想幽棲向此閒隨行雙白鶴對坐一青山得
意即成曠抗懷長自閒我來如入剡繫艇欲忘還

春澗書屋

一水縈新綠軒窗相映閒有時攤卷坐無事抱琴來小
醉聽鶯臥長吟避鶴猜百城知不假人在碧雲堆

湄園雜咏

與世原無益，蕭疎性所宜。
孤雲寧有待，明月不容私。
山水交情見，文章世變知。
嘯歌聊爾爾，吾道豈無時。

又

晨起觀諸動，秋來獨倚欄。
斷橋殘月破，高閣早霜寒。
瘦漸于詩近，荒偏與性安。
蕭然能自足，隨地水雲寬。

又

獻賦非吾事，窺園且自由。
壺觴三徑晚，絲竹一江秋。
白

社通遊客青山穩醉侯如何王給事深鎖謝羊求

又

疎窻當水曲秋氣晚猶澄古樹紅無次寒山翠有層倚
船商女笛隔岬酒人燈小坐渾忘卧高吟我尚能

松陵道中遇雪

作客身難靜殘冬又離家雲依都著樹雪驟不成花受
重舟頻側吹多纜故斜依人無好計寂寞向天涯

湧泉菴

蕩漿不得路到來如在山橋橫一水外磬出百花間香
靜欲成悟翠深長自閒高僧清興在玉軫理潺湲

過殿聞秋水軒觀荷

作客宜閒步池蓮愛晚紅放懷孤嶼上送影一亭中花
密全無水香多不為風寧知魚戲處葉葉自西東

再贈雙文

得句如相待今宵意自親花前微醉月下淺粧人淡
極翻成艷歡多反作顰可憐狂杜牧失計為尋春

喜念昔士雅及季兒至自廣陵分得南字

世路多艱阻歸心正不堪碧雲生日暮白鴈過江南客
淚花十樹家書字一函誰憐締絡者寒至早先詣

江干晚泊

秋晚逢孤泊江干朔吹生霜高諸嶺翠霞淨一江明楓
葉翻鴉影蘆花出鴈聲年來慣離別空恨布帆輕

平山堂社集

偶爾成三過于今復此間歡場輕白首才子重青山古

樹知興廢寒雲見往還誰言一杯酒千古幾人閒

又

鼙鼓今何世仍開六一堂晚風吹落木秋色在斜陽詩
酒多新事煙雲老醉鄉江城燈火動霜鴈滿雷塘

雨聲

晚晴疑不雨忽自夜闌時信欲將春妬終憐被月欺草
黏初吐甲梅濕未繁枝聲豈殊常聽偏傷百感隨

同燕孫念昔暨仲兒小飲

春半歡情鮮持杯眼暫青
狂吟燈一壁薄醉酒雙瓶
雨雪連人日乾坤老客星
偶然成獨嘯寂寞是揚亭

苦雨和汲山韻

三春無霽色極霽亦微陰
日月坐相失江湖空自深
園荒行徑沒壁壞漏痕侵
着枝多餘興誰同入舊林

風

回跖寧煩辯原名混沌遲
喙微偏善嚙腹大但容癡
絮裡何曾覺禪中不自知
莫因頭暫黑竟忘白身時

蚤

偶爾稱毛隱人兼痛痒攢善全惟一跳巧啗有千端但恃身偏捷難容目暫看不知湯火裡求活更艱難

蠅

竟日盤觴內知從何處來不憂拔劍逐常喜覆甌開覓臭真無忌趨羶亦有才幽蘭非不好高舉似相猜

蚊

豈謂曾知禮潛身扇枕先狂吟當日暝飽食待人眠翻

掌不能覺剝膚殊可憐西風有時至利喙向誰邊

喜晴

已謂隨春盡寧知霽色鮮共看搓柳地猶有惜花天
江海應何極星辰豈偶然農家同望歲翻使寸心懸

又雨

偶霽農夫喜連宵竟奈何惜花春夢短聽雨夜吟多
芹潤泥黏燕楊疎水似鵝蕩舟空有約門外即曾波

孫汲山王武徵景州歙州汪左巖喬孚五劉瞻

六冒青若江郢上秋水豎趙倩念昔邀餞空
翠閣即席留別

芳墅同攜手登高是別筵挂帆非得已對酒豈徒然山
水五千里樓臺十一年鶯花殊舊日飄泊笑樊川

又

人與春同去明朝水一涯朋情多舊雨客夢懶看花碧
柳隋皇院紅蕉越女家南雲長極目江月幾回斜

雨後新河晚泊

辭家未兩日幾度見陰晴江以烟逾濶潮因雨不平蛟
龍才一瞬烏鵲自三更那識孤篷裏思從何處生

弘濟寺訪蒲菴上人

遠涉停孤舫尋師過碧岑門從幽徑掩詩入亂山吟雲
起不離辟花香常出林歸來應有約秋月話塵襟

石破河紀事

水宿因風泊程遙望轉凝戍亭春賣酒魚舫夜分燈沙
鳥鳴難定江魚價轉增離鄉心未遠笑語夢猶曾

姆下河晚泊

水國程難定，維舟不問津。
犬迎歸店客，鴉避落帆人。
煙柳孤邨晚，江花四月春。
未能隨鷺浴，聊濯往來塵。

午日集遺山秋浦樓得雲留二字

遠遊聊且住，令節慰停雲。
共倒青華盞，分題白練裙。
笑言當永晝，醉醒共殘曛。
憶昨蘭舟上，猶然念少文。

又

久作三年別，今當五日留。
江山猶故土，節物已他州。
雖

燕晴偏語涼蟾晚更浮不知長命縷誰更繫南樓

遊杏花邨以雨不果

亦有樊川興尋春老漸疎偶同聽雨燭竟阻看花輿山
水逢佳士煙霞憶舊廬莫吟魂斷句霽色晚來鋪

錢廣文介臣招集綠依亭

官署能留醉幽如野客家碧高池漾柳紅淨雨過花棋
局當窻遣欄干點筆斜鄭虔敦舊好分贈六班茶

偕遺山目天趙客惟隣暨仲兒過隣家荷亭小

憩

會心原不遠濠濮比隣深
露葉向人坐風香吹客襟
蝶狂花不次蟬靜柳長陰
幽興知難極相將更一吟

江雨

暑溽原知雨颯然驚驟來
落帆爭就浦倚棹忽聞雷
水氣龍腥過山光鳥背開
遙看江一白飛洒亂珠胎

過南昌見滕王閣被焚

來訪臨江跡焚餘剩敗椽
可憐彭蠡水難救祝融煙
帝

子名空在才人賦自傳
西山與南浦無計更流連

家遠凡邀同日天
澹夫介遠暨仲兜
集芙蓉菴

小憩

作客情難遣
精藍暫取幽
野橋花碍帽
小院竹藏樓
江
近易成雨林
深長似秋
芳馨無可折
空望暮煙收

又

南浦知何處
茲間似故鄉
多年蒼檜古
竟日白蓮香
野
水流殘照
山雲送晚涼
烏衣有同調
彌覺笑言長

南昌寓中喜晤澹夫姪

憶昔論交日相知各暮年他鄉多險阻異國共留連
老不因人熱貧寧取世憐惟應一杯酒相得是陶然

澹臺子羽墓

來訪名賢跡荒阡對水湄一生無捷徑萬古有遺碑
下馬因君拜斬蛟寧爾為北邙多少塚無復後人知

登石亭寺釣天閣

滕閣仄飛後登臨獨此樓江聲非一水雲氣雜諸洲
天

遠晴連雨風高暑亦秋故鄉煙樹外倚檻思悠悠

南昌曉發

遠程難憚暑纜解早涼天鳥語喧村市蟬聲送客船殷
勤留後遇輕薄信前緣一笑存吾道終歸滄海邊

江晚

風便難為泊前山夕照銜江聲雙畫槳月色一蒲帆大
暑空題扇飛塵欲染衫家書燈下發計日到魚函

十八灘舟行雜咏

垂老仍為客，關河路轉長。
終朝依枕簟，三夏盡舟航。
扣戶詞偏拙，離家夢自傷。
荔枝應正熟，行役向他鄉。

又

炎蒸無計遣，卧起一蓬窻。
白鳥棲常獨，黃魚釣自雙。
柳烟思舊國，花月夢春江。
尚覺人情懶，因知病未降。

又

半生經險阻，此地乍來遊。
非意當灘石，無程逆水舟。
同鄉惟賴月，異國不禁秋。
只有還家夢，應偕波浪流。

又

閉戶無長計，崎嶇向遠途。
獨行愁歲暮，多病益身孤。
戲慢雙蝴蝶，迎曉一鷓鴣。
茫茫前路在，何必問征夫。

又

入夏情無似，秋來更若何。
江湖多歲月，魚鳥共風波。
飲酒杯空把，鈔詩字屢謾。
新涼尋故褐，真自羨漁蓑。

又

作客渾無可，年高興更消。
老為時輩棄，貧任里兒驕。
堅

卧連秋夏孤吟了暮朝懸杖憐十指何計慰迢遙

又

野戍遙傳柝孤航泛遠踪山風秋舞鶴灘雨夜歸龍事
過方知險身閒轉覺慵片帆猶未歇何處采芙蓉

又

詹尹何從卜風波此一身月隨遊倦客灘吼夢餘人蟋
蟀依黃葦鳧鷖老白蘋羅浮香雪在過嶺若為春

甕園詩和丁鴈水觀察韻

剪棘非耽寂園居辟軟塵樹從經歲老花為得人新消
暇如增日和神以當春大夫頻退食清嘯動江津

又

開徑偏宜曲為廊不厭長竹深陰接漢石老態顏唐兄
弟逢連玉賓朋坐衆香主人能吏隱應有異書藏

又

為有江湖興看雲意輒怡但能為圃好豈恨得山遲白
博攤書卷蒼生看奕棋寧須誇魯直蘭斗種黃蘂

又

名區知有待小築傍廉泉受月庭能擴迎風牖或偏華
觴揮綠醕逸操響紅絃何愛窻扉上金缸照列錢

又

杯瀉中山酒爐分小峴茶論文常廢食留客幾忘家高
義懷陶簡新詞諷棣華訟庭無事出白鳥當排衙

又

以我珠江去方歌行路難此時過月榭盡日對煙巒卷

軸頻傳玩圖書共借看小山叢桂在招隱憶劉安

觀莊弟至自和陽鴈水招同讌集分得流深二

字

遠客來無意樽閒意轉投弟兄逢北海賓主共南州深
坐非因雨清言欲過秋請看城下水章貢正同流

又

屢入西園會茲宵足古今星辰雙劍合風雨一杯深老
樹吟邊影幽蘭夢後心莫言容易別秋月坐相尋

會波閣

止宿因朋好金亭偶借棲樹涼花氣足雨密水痕齊簾
動魚兒影書翻燕子泥愛他清漏永月到畫橋西

又

水檻塵緣少終朝自掩關砌風生霧縠鄰岫露煙鬢袖
子黃三寸蘋花綠一灣羊求時共坐清話未能還

又

泛泛方無極寧知到葯房紅裳蓮半謝翠帶苻交長棋

局嘗憑檻漁竿插卧牀平生空憶楚未審異瀟湘

又

仙院無凡吹秋聲在薜蘿江雲催曙早山雨送涼多一
帙能銷暇三卮足養和主人偏重客皂蓋已頻過

留曹大行石閣夜飲曾波閣分韻

良夜難忘酒君來興未窮鄉心逢節動客意向山同晴
月曾波裏秋聲老樹中吹笙還縹緲鶴背有雙童

測上人以方竹杖見贈賦此謝之

高人無俗貳異篠出東林漸老得禪氣能圓非道心孤
懷存矩步夙好快幽尋感此殷勤意提攜念德音

八月十三夜

泛跡任孤舟道遙可自由江風猶帶暖山月未成秋望
遠懷鄉鴈忘情愧野鷗晚來方倚櫂一笛起中流

南安客舍水閣對月

浪跡渾無定投林似暫歸橋橫沙路曲月出水煙微凝
思看鳧浴含情待鴈飛誰憐砧杵夜萬里共晴輝

又

借棲還覓靜水檻得徜徉倦鳥夜三鼓涼蟾秋一牀連
江溪易綠近嶺柳遲黃明日重陽是登高愛此鄉

南安邨次喜遇張寄亭并晤查德尹鄒白菴

故人何意見傾蓋况多緣姓字曾相識詩篇重所傳路
遙身莫主歸早客如仙獨悵無杯酒黃花正滿前

過大庾嶺經張曲江祠

水盡南天日驚看鳥道懸一門分楚粵五嶺各風煙松

古雲千尺茶香路兩邊始興功業在野叟尚能傳

又

盤曲登青嶂籃輿一徑斜艱難尋荔子惆悵為梅花海
暖曾無雪峯高半隱霞鴈飛真不度行客自忘家

又

南徼兵初罷登高望不窮天低雲自碧霜薄樹難紅香
索斧隼賈油幢倚上公可堪車馬跡影亂夕陽中

又

垂老為行役淒淒百病身無聊因作客不定是依人路
到難辭險家遙多念貧停車最高處雲氣滿秋旻

舟中立冬

放棹當初夏冬來尚路岐月圓凡七見火合已三移海
氣連江近天時就地宜老人方苦熱檢歷待寒期

宿長壽禪院招隱堂次元宗上人韻

為厭囂塵雜閒尋水竹居白雲無盡處明月正來初
落花僧歸晚鐘搖客夢餘清談不倦並坐一牀書

又

智者無禪相雲山待客看天高青桂老池靜白蓮寒身
自何年隱心將此地安知君有深意得此暫盤桓

十一月初七日愚公偉公過集寓齋

客裏猶思客求羊日往還清吟寒燭下發興煖杯間地
遠雙魚少雲高一鴈聞誰憐今夜月猶作翠眉彎

又

草草盤觴會酣餘意轉賒誰知人去國同作客思家寂

冥天邊鏡徘徊海上槎羅浮如不遠慚負是梅花

仲冬十日偕同社諸子集家觀莊寓齋分得十

蒸

佳賓盈邸室好客爾猶能送酒傾蠻榼分箋擘剡藤梅
過遊興懶月上遠懷增愧少池塘句挑殘夜半燈

上弦月

坐望清輝起含情待北堂兔肥思補缺蟾小欲流光盈
手雖難掬如眉已漸揚潮生能有信規影漾波黃

下弦月

遲遲光始見已覺興蹉跎幾望時無及仍圓夜屢過葉
稀莫半減花老桂無多思婦徒增怨其如團扇何

嘉魚

式燕傳風雅茲能稱此名凌波身自潔出石味長清少
骨偏宜酒無鯉可和羹季鷹如得見豈作憶鱸情

又

老饕惟果腹鱗族見斯奇近臘寧因社生端欲比夔貴

將鮫並質細與鯽同肌楊柳沙邊路空嫌結網遲

菩提樹

階下菩提樹雙柯百尺斜子圓將似玉葉老欲成紗曾
共高僧渡長生梵客家唐碑空自古無樹復何誇

靈山寺聽泉

旃林塵事少過雨一亭開境靜聲難隱泉高響自來百
盤穿冷翠一道下驚雷童子燒紅葉烹茶日幾回

立春夜同準菴坐月

嶺表俱為客清宵逸興同月高花檻外春入酒杯中鄉
思風前燕遊踪雪後鴻胡牀頻徙倚漏盡意難窮

元日顧辛峰過飲浴硯齋分韻

纔與梅花笑楚然聞屐聲幽人不厭寂客子最宜晴天
地留詩卷江山入酒鐺共言新歲好花發五羊城

夏宁枚徐殿颺過集分韻

作客無停跡能來且共談年光雙白鳥春色一黃柑旅
館山同靜村醑興轉酣嗟余亦梗泛莫更話江南

題自參上人蓮聚精舍

豈是維摩室軒窗是可人
焚香將過日得句為逢春
老樹曾聞法幽花不受塵
誰知蓮社裏有客字遺民

贈鄭愚公州牧

超然愛仁表相遇嶺南春
詩肯從人好官因玩世貧
途窮無可淚舟小不容身
萬里歸何計淒淒別路塵

懷古樓

化城無近想蜃氣一何奇
白月留前代青山是舊時
身

高難自下意密許誰知王粲憑欄處斜陽多恨遲

招隱室

秋風開一境幽絕已無倫
薜荔難為伴蒹蘆大有人
波光搖素壁花影隔紅塵
蕙帳空相待巖邊老桂春

木末

禪扉塵不入露冷衆芳稠
贈客紅分手思君白滿頭
臨波空影淡到岫亂香浮
莫展離騷讀愁多是九秋

雲半閣

孤閣凌空出欄杆倚古藤但容雲借住每為月同登烟
海碧無際寒山青有層此身真百尺豪亦我何能

雨中

衝泥山屐少竟日掩柴闕天忌三春好人偷一雨閒荷
煙承柳影松溜長苔斑獨喜烏皮靜香烟裊碧鬟

又贈驛菴

已整浮湘楫還為幾日留江湖八月路花木兩人秋有
事憑蒼狗忘言任白鷗乾坤應未老策杖待同游

連洲江口

孤舟無定泊野宿就江灣
雨欲驅殘暑雲能補斷山
墟人沽酒出溪女賣魚還
更有浮湘約勞生未易閒

南華寺禮六祖塋

曹溪流未斷紆道謁南能
密樹青千疊寒山綠幾層
泉清猶滿鉢焰冷尚留燈
老矣還乘興憑高杖古藤

蜈蚣埭

晚發難依厓維船絕少隣
亂山寒伏盜野火暗疑人
猿

鶴空相怨豺狼不念貧茫茫更何處吾道在知津

長沙客舍喜遇辰六至自益陽

憶別秋江畔何期五載違猶憐親誼好不悔浪遊非宦
薄才寧拙天寒夢屢歸洞庭烟水濶應共片帆飛

登龜臺山

雨過寒山靜晴暉在石龕金英秋剩把玉版午同參江
白鷗頻下天青鴈欲南誰能更西望帶月一停驂

十九賢祠

地已多賢勝崇祠啟碧巖波香生荇藻雲氣老松杉醉
酌三升酒閒停一片帆異時偏有感仙令莽初莼

留公灘舟中別辰六

五載得相見歲殘歸夢頻雲烟難贈客山水解留人路
以愁偏遠官因傲始貧河干一分手努力待陽春

泊下隄

泛楚宵停棹遙遙野水邊燈明沽酒肆歌出打魚船夢
不因鷄醒歸終讓鴈先計程猶自遠月共客心懸

蘭溪鎮夜雪

楚江當歲暮夜永覺寒生
檣滑波聲溜窻疎雪影明
吹燈聞鴈過支枕數雞聲
世難歸途險頻教客夢驚

遷居種字林有作

懶效靈均卜因攜抱璞裝
鶴馴能負笈邇老解支牀
過雨移山竹留春障海棠
從今花下醉酌酒寄襄陽

入歲

入歲青陽改殘水尚滿途
寒遲花氣候愁短夢工夫
得

句思才子聞歌憶酒徒
重城燈火在誰得似僧孺

人日雲卿東湖星子弟及仲子壽潛小集菴薌

軻分韻

晨夕南邨近能來絕送迎
青山生遠夢白月見幽情
歲事釵頭燕年光柳外鶯
清言知不厭堅坐度嚴更

又

早歲初開徑留賓倒玉壺
盤供冰後韭屐破雪中蕪
寒較他年甚晴逢令節殊
濁醪應自足何必過隣酤

元夜遣興

歲歷驚初換，日陬又及中。月因寒夜白，燈為早春紅。簫鼓年都有，烟花夕不同。梅花清影下，幽興欲無窮。

泊三師以菊芽作茗見餉因答以詩

幽菊生籬畔，高僧采摘良。遂教霜下葉，先占雨前香。焙學龍團火，烹宜蟹眼湯。感君持贈意，拭目待文昌。

雪中蒲菴和尚過訪

雪裡無行跡，聞君扣葦門。笠敲幽桂影，衲重老梅痕。得

得知猶在悠悠復幾存
臨江有片石歸計好重論

晴

風雨妨春興何來此日長
暫晴添月色乍暖逼花香
眼暗還開卷心閒且進觴
故人無遠思着屐為殘陽

雪後登南城樓小憩

雨雪常疎出登高發興新
江花憑檻霽煙柳傍城春
榻借書經客齋留問偈人
山僧能不厭蓮社有遺民

花朝喜晴是日驚蟄

霽色佳辰好山窻尚薄寒草痕將次第花信已平安粉
蝶經時見銀蟾着意看欣欣應有望春事待凭欄

梅岑月樵偕顧書宣過訪

舊好思宗炳能偕二仲來留連當竹坐徙倚值花開老
覺貧交重清知俊友才不嫌山徑淺頻得破蒼苔

春分日僧持偕長君元子小集種字林同書先
星子及仲兒壽潛分韵得杯留二字

良朋來意外老更愛追陪快讀新詩帙同傾濁酒杯竹

深三徑雨花發
半春雷未下
重城鑰樊川
舊往迴

又

正值庭梅放
諸君且少留
湖山生遠夢
師友憶前游
並坐青瑤席
閒披紫綺裘
惟應輸少俊
詞賦總風流

武陵以詩見寄次韻答之

江水如衣帶
云何萬里遙
愁新遲舊約
夢短畏長宵
雨密應難出
春寒未易調
誰能仗青鳥
一葉渡松寥

山名

又

憶昔泉亭上殘秋訂故知月凡經幾見花不解相思屢
別何堪老重逢豈厭遲春來梅信好喜得隴頭枝

贈卜者

我亦行吟者逢君詹尹儔垂簾非處市揮塵共登樓曠
覽因觀運高言足散愁行藏休更問吾已任虛舟

初夏和畢正持韻

春歸芳壑靜深坐似山家鶯狎當窻柳蜂喧夾徑花雨
微猶見日雲薄不成霞已分墻東隱栖遲老歲華

不復

不復尋車馬園居覽物華
管絃春試酒閨閣曉分花
饌減留林笋爐香焙菊芽
長卿詞賦在那到五侯家

又

小墅慳三畝棲遲僅自寬
竹煙妨籜帽草露濕蒲團
公輔難多歲神仙有大觀
吾儕經計熟心靜莫求安

顧書宣許送牡丹時過不至詩以訊之並東月

樵

春事行將盡良朋約竟徂赤欄憐早計綠酒笑空儲那
得沉香詠難成蜀錦圖也知蓬徑裏原不稱名姝

園居

園居逢首夏霽色散茅堂新葉各層翠亂花同一香林
深鶯自便巢就燕爭忙觴詠于焉足春明夢久忘

庭前芍藥盛開江夏君偕諸女治具小飲

四月名葩放疑春尚未殘花留青眼色人耐白頭歡
筭方離鍾江魚正入盤山妻能不倦把燭勸重看

夏日前民正持允臣小集種字林分韻時望子
有粵中之游

晝長宜偶坐獨影笑難雙
聽履窮愁減銜杯客夢降
梧雲晴拂檻花月晚分窻
何事仍相送聞君欲下瀧

夏夜

盛夏琴書懶閒心入暮清
暫涼難勝暑驟雨數成晴
菡苗穿叢葉梧桐滴刺聲
最宜新浴後疊雪短衫輕

悼狸奴

白老能多慧相馴五載餘食惟分餅餌力可護詩書
覺主常登榻依人每繞裾也應須減度特為誦如如

和放翁立秋前一日韻

雨過梧桐院香生杜若洲蟬聲初向晚蛩夢已先秋
身老踈千卷心閒笑五侯北窻應漸爽得酒復何求

六月十四日和劍南韻

老愛青山穩閒知白晝長亂雲收竹影細雨墜蓮香
秋近愁殘熱晡來受嫩涼紅藤能作伴晞髮坐林塘

丁蘭泉陳鶴山畢正持偕家聞瑋小集蕤薌舸
却暑宜謀醉為君倒玉瓶風迴蟬續響雨過鳥梳翎竹
色迷三徑桐陰綠一亭此間無熟客談笑可忘形

齋中遣興時正持方過京口

細事能娛日凭欄晝午時狸奴撲花影鳳子戲蓮枝泥
婦常賒酒辭仙不愛棋遙思渡江客應有玉山詩

淑時正持集蕤薌舸分韻

用唐人
起句

酒熟思才子開扉得遇君揮毫過急雨浴硯起涼雲暑

氣坐將盡秋聲匪一聞吾儕多勝事未可比羊欣

再得十五咸

觸熱思良晤相思信不凡小軒真似舫高樹盡如帆世
事杯頻把交情字滿緘數來知不厭秋色在松杉

諧石移居入城賦此志喜

先是舊居被焚

天不因貧恕多言豈足言君真如靖節我欲賀參元灰
燼無餘索圖書更滿軒最憐幽巷好漸遠市塵喧

又

方有離羣歎移居得素心披衣應不遠策杖可相尋
玩月城無阻談詩酒自斟祝融原有意晨夕為知音

諧石移居未果山來力任乃就感而有賦并以
為贈

甚厚嗣宗意謀居為仲容秦灰徒自熱梁廡尚能畚客
有停軒過人因問字逢望衡吾最便得句即扶筇

送敦七之東淘

海國魚鹽地胡為復漫遊鷄聲連夜雨鴈影一年秋酒

為幽人索丈因故老求知君意良厚浮菊待歸舟

紅橋泛舟分韻得二冬

幽人同逸興買棹輒相從芳草香孤嶼垂楊綠一蓬日
能明遠水雲欲補遙峰誰送歸舟晚平山出梵鐘

龍興寺

偶訪垂綸地聊為蘭若遊半牀醒後月一磬夢中秋風
雨空懷刺雲霄漫倚樓故人辭我去無計可遲留

隆慶寺夜宿

作客無常主僧房暫得安
長松晴晝雨孤磬暑宵寒
燈影吟邊靜杯心夢後殘
何如桐月下夜起獨凭欄

漂母祠

一飯胡為者英雄更覺難
古今雙漂絮楚漢一漁竿
祠訝千金小碑憐百戰殘
此人能識客何必丈夫冠

澄江道中

九龍山色遠獨坐更推蓬
秋霽忽成雨路遙還未風
溪流衝蟹斫村火亂魚筒
申浦前途是寒村杳靄中

十月二日錢飲光自龍眠楊香山自武林余廣
霞自吳門宋既庭自昭陽至與余為五老之
會夜集皆可堂話白門舊事因成一首并示

昉思

賓主合成美今將四百春老應為過客壯且不如人朝
暮齊梁事秋冬晉宋身嗒然聊一笑杯酒任吾真

廣霞昉思逸菴香祖同過分韻

撥悶思良友相將把翠濤秋為詞客瘦月向故人高杜

牧名猶在陳登氣本豪
今宵聞雅唱逸興起江皋

同廣霞昉思石霞翔九飲殿臣蘭雪齋

引疾辭高會同來話冷齋
醉歌忘世法卧起適幽懷
落葉迷深巷寒花香一塔
離羣非客意猿鶴信吾儕

和廣霞韻贈了如上人

為別時真久重來徑轉幽
僧年知過臘客况畧如秋
有興還高咏無謀作遠遊
門前小橋水不共大江流

寓齋偶題

聞說池亭好來栖一片雲水深藏野獺冬暖聚殘蚊隔
巷雞聲接隣墻樹色分山磬紅子在磊落倚斜曛

又

未是蓬蒿徑居然仲蔚家主人能愛客穉子解看花榻
靜分寒月窻虛倚暮霞自憐身泛泛猶得占鷗沙

贈昉思

欲別翻無語新詩為爾陳聰明長累物忼慨不宜人妬
益蛾眉美貧教虎氣馴士龍君好友歸計且逡巡

語山泊三二上人過訪次語山見贈韻

高衲同相訪臨溪捲釣竿竹陰開戶密松影上衣寒有
法應難問無心孰可安何時能着屐香氣拂林蘭

喜季兒來自均陽

聞亂嗟來晚來欣在亂前信遲憐夢誤世變喜身全遠
見喧門外歡言雜酒邊幼孫初未識一見把衣牽

婦病

竟夕難安寢呻吟共掩關長貧成白髮多難在紅顏夢

短愁能續憂深思不閉暮年無可慰悔不學癡頑

八月二十八日寧孫年二十矣于其誕詩以勗

之

問年非少小兩見汝當旬失父存孤影休官長一身棄
縑憐體弱與硯笑家貧何計能相慰含辛有寡親

又

吾尚餘諸子汝惟稱獨兒那能分手足漸已具鬚眉舊
恨三冬雪遺資一卷詩蘭成當此歲射策已多時

十二月念八日夜雪

望歲長思雪今年苦不多
纔看飄檻砌竟欲滿山河
岐路雖無嘆寒溪豈易過
遙憐江上客誰許着烟蓑

二月三日夜坐有感

湖海氣猶在春來如不勝
百年頻覽鏡一夜共挑燈
憂為而今甚窮憐自古曾
吾儕同寂寂不醉亦何能

曉寒

春至偏難早晚寒猶似前
著書防薄俗向火覺衰年
殘

凍避花候連陰費酒錢
經旬不暫出草色到窻邊

二月五日見月和馬高陵

好友驚重見清輝尚宛然
漫憐新隱約猶是舊嬋娟
較甚初三出先期第二圓
攬之不盈手徙倚小窻前

偕高陵念昔登南城樓次韻

登高同遠眺雉堞倚精藍
春引山僧步雲留野客探
晚烟明海曲春樹點江南
遙念垂楊下須攜酒與柑

憶吳興用仲兒韻

水嬉長入夢，斗大有孤州。溪繞樊川館，山圍魯國樓。巖
光四坐入林翠，一簾收不愛元郎句。嵇山記夙遊。

又

雲水最多處，我曾于此居。一堂千嶺樹，百姓五湖魚。聽
訟山中寺，行春花底輿。南柯纔夢覺，秋雨卧相如。

又

一郡無多地，蒼蒼千萬峰。水花多是藕，山葉盡為松。不
繫家家舫，相聞寺寺鐘。寧知虹卧處，潭下有蟠龍。

又

記曾千騎擁三載有餘情着水心常冷看山眼尚明魚
蝦喧曉市麋鹿繞春城懷土非吾意徒憐去國輕

又

無端驚短夢揮手謝雲山雨散三千客烟深十二鬟林
泉心自遠湖海氣難刪斟酌平生事嗟予好是閒

平山堂雜感和蘓江陵韻

千載關情地頻來繞砌行過江山翠近倚檻暮雲輕遊

女衿粧束山僧少送迎莫愁浮棹遠春水正滄泓

又

此地山光好春來二月時微風響鈴鐸殘日在罍愚慷
慨仍懷古蒼茫獨詠詩所思曾不見天末碧霞披

又

尚有先生閣都無帝子樓乾坤千古換江海一亭收楊
柳存枯柢荷花記勝遊坐深明月起帆影認瓜洲

又

昔日徵歌地今為般若田
殘鐘生落月孤笛起寒烟
不見深宮樹難開陸地蓮
寶釵耕後出泥蝕問誰憐

月下

春色無昏曉閒庭晚思生
路多千柳弱月靜百花明
止酒心長淡敲詩氣暫清
老妻能不卧笑語答棋枰

又

愛月長堅坐更闌興未闌
楊花歸日暮燕子宿春寒
白髮愁多故青山夢未安
誰能高閣上閒殺玉欄干

次日復飲花下喜上若歸自北都

不厭清宵坐銜觴春樹邊
漏深看月夜酒熟養花天
老子多選念諸甥與內筵
歡然此時意佳句若為傳

蹴鞠

輕薄由來慣虛空不自持
轉旋寧有定騰躍亦何奇
社
匝花園日場搓柳軟時可
憐差一瞬拋擲豈堪思

鞦韆

漫道西戎戲春閨劇有情
雙鸞愁露滑一搦趁風輕
鬪

險裾難捉爭高髻漸傾不知平地看女伴幾相驚

風鷲

何曾具六翮一線出兒童逞勢將凌漢憑虛但藉風天
高孤哨響星小一燈紅只恐罡飈發飄零欲墜空

鬪雞

五德今何有惟將勇占場昂頭聲自厲怒目翅還張金
距原無敵紅羅未易償更憐籠着後毛血為誰傷

仲夏十八日揚爾公招諸同人平山堂讌集觀

壁間歐蘓二公詞有感分得刪覃二韻

多君能好客有約傍禪闢破壁乾坤在高堂今古間文人難白髮才子重青山始信當時句長留天地間

又

三過存遺跡茲來更快探風香常自北山翠不歸南柳為經年古茶因得水甘還憐荷芟路回棹夕陽酣

冬夜聞鴈分得鄉字

永夜方無寐征鴻叫早霜聲遺派枕冷影過一燈長塞

上無繒繳江干有稻梁不須愁雨雪兄弟共他鄉

初宿黃子湖

晚歲甘幽僻謀居就水涯庭虛容看月地敞足栽花老
鶴宜三徑閒鷗共一家夜來清夢穩不復聽城笳

六言律

夏日園居即事

睡覺流黃簟上披襟醉白堂中風起亂翻荷芰月來先
到梧桐相如不愁賦盡文舉只慮杯空俯仰乾坤一笑

吾與造物安窮

送余廣霞歸吳門

與我梁谿同客送君吳苑先行山中二泉正冽湖上諸
峰早青鬪茗半囊詩草采蓮一路歌聲迎門應呼驥子
三徑秋來已成



林蕙堂全集卷十六